

Headline	TNB bayar balik lebihan caj		
MediaTitle	Kosmo		
Date	09 May 2019	Language	Malay
Circulation	155,996	Readership	467,988
Section	Negara	Page No	17
ArticleSize	105 cm ²	Journalist	N/A
PR Value	RM 8,175		



TNB bayar balik lebihan caj

MELAKA – Tenaga Nasional Berhad (TNB) akan mengkredit semula lebihan caj pengguna meter pintar di negeri ini ke dalam bil elektrik pengguna tersebut sekiranya semakan mendapati berlaku lebihan caj.

Ketua (Perkhidmatan Pelanggan) TNB Negeri Melaka, Ahmad Rezahan Mohammad berkata, pihaknya akan membuat semakan segera terhadap aduan yang diterima.

“TNB ambil maklum berkaitan isu bil tinggi dan aduan lain yang dihadapi sebelumnya pengguna meter pintar TNB di beberapa tempat di Melaka seperti mana yang telah dilaporkan melalui media sosial.

“Tiada pemotongan bekalan

elektrik dibuat sementara aduan pengguna diperincikan,” katanya dalam kenyataan di sini semalam.

Ilsin lalu, Ketua Menteri Melaka, Adly Zahari dilaporkan berkata, kerajaan negeri memandang serius dakwaan kenaikan kadar bil elektrik tinggi akibat penggunaan meter pintar TNB dan meminta agar syarikat itu memandang serius setiap aduan dan tidak melihatnya secara umum.

Ahmad Rezahan berkata, pengguna meter pintar yang memerlukan maklumat lanjut boleh menghubungi TNB di talian khidmat pelanggannya di 1300-88-5454 atau mengunjungi pejabat TNB berdekatan.
– Bernama